



1818

Analysis facilis aequationem Riccatianam per fractionem continuam resolvendi

Leonhard Euler

Follow this and additional works at: <https://scholarlycommons.pacific.edu/euler-works>

 Part of the [Mathematics Commons](#)

Record Created:

2018-09-25

Recommended Citation

Euler, Leonhard, "Analysis facilis aequationem Riccatianam per fractionem continuam resolvendi" (1818). *Euler Archive - All Works.* 741.
<https://scholarlycommons.pacific.edu/euler-works/741>

INTEGRATIO GENERALIS
AEQUATIONUM DIFFERENTIALIUM LINEARIA
CUJUSCUNQUE GRADUS
ET QUOTCUNQUE VARIABILES INVOLVENTIUM.

AUCTORE,

L. E U L E R O.

Conventui exhib. die 28 Octobris 1779.

§. 1. Si fuerit functio quotcunque variabilium z , y , x , u , etc. determinanda ex aequatione differentiali cujuscunque gradus, in cuius singulis terminis quantitas V , cum suis differentialibus, unicam obtineat dimensionem, atque insuper coëfficientes singulorum terminorum fuerint constantes, tales aequationes hic voco lineares, et quemadmodum eas integrari oporteat, investigabo.

§. 2. Forma completa talium aequationum primo continebit ipsam quantitatem quaesitam V . Deinde occurant differentialia primi gradus, quae sunt $(\frac{\partial V}{\partial z})$, $(\frac{\partial V}{\partial y})$, $(\frac{\partial V}{\partial x})$, etc. quorum ergo numerus est $= n$, siquidem n fuerit numerus variabilium z , y , x , u , etc. Sequuntur termini differentiales secundi gradus: $(\frac{\partial \partial V}{\partial z^2})$, $(\frac{\partial \partial V}{\partial z \partial y})$, $(\frac{\partial \partial V}{\partial y^2})$, $(\frac{\partial \partial V}{\partial z \partial x})$, etc. quorum numerus est $\frac{n(n+1)}{1.2}$. Terminorum

porro differentialium tertii gradus: $(\frac{\partial^3 V}{\partial z^3})$; $(\frac{\partial^3 V}{\partial z^2 \partial y})$; $(\frac{\partial^3 V}{\partial z \partial y^2})$; $(\frac{\partial^3 V}{\partial y^3})$; $(\frac{\partial^3 V}{\partial y^2 \partial x})$; etc. numerus est $\frac{n(n+1)(n+2)}{1 \cdot 2 \cdot 3}$; sicque porro. Atque hi singuli termini, per quantitates constantes multiplicati, exhibebunt generatim aequationem differentialem linearem cuiuscunque gradus, cujus integrationem hic accuratius sum perscrutatur.

§. 3. Tales ergo aequationes omnes in hac forma generali continebuntur:

$$\begin{aligned} 0 = & A V + B (\frac{\partial V}{\partial z}) + C (\frac{\partial V}{\partial y}) + D (\frac{\partial V}{\partial x}) + \text{etc.} \\ & + E (\frac{\partial \partial V}{\partial z^2}) + F (\frac{\partial \partial V}{\partial y^2}) + G (\frac{\partial \partial V}{\partial x^2}) + H (\frac{\partial \partial V}{\partial z \partial y}) + I (\frac{\partial \partial V}{\partial z \partial x}) \\ & + K (\frac{\partial \partial V}{\partial x \partial y}) + \text{etc.} \\ & + L (\frac{\partial^3 V}{\partial z^3}) + M (\frac{\partial^3 V}{\partial y^3}) + \text{etc.} \\ & \text{etc.} \end{aligned}$$

Huic autem formae satis constat satisfacere talen formam integralem: $V = e^{\alpha z + \beta y + \gamma x + \text{etc.}}$. Hinc enim erit:

$$\begin{aligned} (\frac{\partial V}{\partial z}) &= \alpha e^{\alpha z + \beta y + \gamma x + \text{etc.}}; & (\frac{\partial V}{\partial y}) &= \beta e^{\alpha z + \beta y + \gamma x + \text{etc.}}; \\ (\frac{\partial V}{\partial x}) &= \gamma e^{\alpha z + \beta y + \gamma x + \text{etc.}}; & (\frac{\partial \partial V}{\partial z^2}) &= \alpha \alpha e^{\alpha z + \beta y + \gamma x + \text{etc.}}; \\ (\frac{\partial \partial V}{\partial y^2}) &= \beta \beta e^{\alpha z + \beta y + \gamma x + \text{etc.}}; & (\frac{\partial \partial V}{\partial x^2}) &= \gamma \gamma e^{\alpha z + \beta y + \gamma x + \text{etc.}}; \\ (\frac{\partial \partial V}{\partial z \partial y}) &= \alpha \beta e^{\alpha z + \beta y + \gamma x + \text{etc.}}; & (\frac{\partial \partial V}{\partial z \partial x}) &= \alpha \gamma e^{\alpha z + \beta y + \gamma x + \text{etc.}}; \\ (\frac{\partial \partial V}{\partial x \partial y}) &= \beta \gamma e^{\alpha z + \beta y + \gamma x + \text{etc.}}; & (\frac{\partial^3 V}{\partial z^3}) &= \alpha^3 e^{\alpha z + \beta y + \gamma x + \text{etc.}}; \\ (\frac{\partial^3 V}{\partial y^3}) &= \beta^3 e^{\alpha z + \beta y + \gamma x + \text{etc.}}; & (\frac{\partial^3 V}{\partial x^3}) &= \gamma^3 e^{\alpha z + \beta y + \gamma x + \text{etc.}}; \end{aligned}$$

et ita porro; quibus substitutis, quia totam aequationem per $e^{\alpha z + \beta y + \gamma x + \text{etc.}}$ dividere licet, patet, litteras assumtas α, β, γ , etc. hac aequatione determinari debere:

$$\begin{aligned}
 0 &= A + B\alpha + C\beta + D\gamma + \text{etc.} \\
 &\quad + E\alpha^2 + F\beta^2 + G\gamma^2 + H\alpha\beta + I\alpha\gamma + K\beta\gamma + \text{etc.} \\
 &\quad + L\alpha^3 + M\beta^3 + N\gamma^3 + \text{etc.} \\
 &\quad \text{etc.}
 \end{aligned}$$

§. 4. Ex hac igitur aequatione, quam aequationis differentialis propositae *vicariam* appellare liceat, litterarum assumtarum α , β , γ , etc. quaelibet per reliquas, scilicet α per β , γ , etc. definiri poterit, idque tot modis, quot gradus differentialis fuerit aequatio, ita ut hic reliquae litterae β , γ , etc. prorsus ab arbitrio nostro pendeant. Sic igitur singuli valores his litteris tributi praebebunt formulam determinatam $e^{\alpha x + \beta y + \gamma z + \text{etc.}}$, cuiusmodi ergo formula numerus prorsus erit infinitus, atque adeo eo altioris gradus, quo major fuerit numerus litterarum β , γ , etc. per quas primam α determinaverimus. Quod si ergo singulae istae formulae per coëfficientes constantes arbitrarios multiplicentur et in unam summam aggregentur, habebitur expressio maxime generalis, valorem quaesitum V exhibens, quam igitur tanquam integrale completum spectare licebit.

§. 5. Verum talis expressio, ob terminorum numerum infinites infinitum, hoc laborat incommodo, quod inde verus integralis valor perspici nequeat, quapropter porro erit investigandum, utrum talis expressio, in infinitum excursens, non per certam formulam, seu functionem finitam, re-

præsentari possit, hocque commode succedet, quoties relationem inter litteras α , β , γ , etc. tali simplici formula $a\alpha + b\beta + c\gamma + \text{etc.} \dots + k = 0$ exhibere licet, id quod evenit quando ista formula fuerit factor formae vicariae supra allatae (§. 3.); tum enim omnes illas formulas expónentiales, numero infinitas, per certas functiones repraesentare licebit, quemadmodum in sequentibus ostendemus.

§. 6. Cum forma vicaria ex ipsa aequatione proposita sit formata, evidens est quemadmodum vicissim ipsa aequatio ex forma vicaria derivari possit. Si enim formula: $k + a\alpha + b\beta + c\gamma + \text{etc.}$ fuerit factor formae vicariae, illi respondebit haec aequatio differentialis primi gradus: $kV + a(\frac{\partial V}{\partial z}) + b(\frac{\partial V}{\partial y}) + c(\frac{\partial V}{\partial x}) + \text{etc.} = 0$, cuius ergo integrale simul erit quoque integrale ipsius aequationis propositae. Ad hoc igitur investigandum statuamus in genere esse $\partial V = p\partial z + q\partial y + r\partial x + \text{etc.}$ ut ista aequatio in hanc abeat:

$$kV = ap + bq + cr + \text{etc.} = 0.$$

§. 7. Ex hac jam aequatione quæeramus valorem ipsius $p = -\frac{kV}{a} - \frac{bq}{a} - \frac{cr}{a} - \text{etc.}$, qui in illa formula assumta substitutus dabit:

$$\partial V = -\frac{kV\partial z}{a} + q(\partial y - \frac{b\partial z}{a}) + r(\partial x - \frac{c\partial z}{a}),$$

quæ aequatio hoc modo repraesentetur.

$$\partial V + \frac{kV\partial z}{a} = q(\partial y - \frac{b\partial z}{a}) + r(\partial x - \frac{c\partial z}{a}),$$

cujus membrum sinistrum integrabile manifesto redditur, si
ducatur in $e^{\frac{kz}{a}}$, siquidem ejus integrale erit $e^{\frac{kz}{a}} V$, siccque
nostra aequatio ita se habebit:

$$\partial \cdot e^{\frac{kz}{a}} V = e^{\frac{kz}{a}} \times q(\partial y - \frac{b\partial z}{a}) + e^{\frac{kz}{a}} \times r(\partial x - \frac{c\partial z}{a}).$$

Haud difficulter autem intelligitur, quantitates q et r semper ita accipi posse, ut membrum dextrum etiam integrationem admittat.

§. 8. Quod quo facilius appareat, statuamus $y - \frac{bz}{a} = s$
et $x - \frac{cz}{a} = t$, fietque nostra aequatio:

$$\partial \cdot e^{\frac{kz}{a}} \times V = e^{\frac{kz}{a}} \times (q \partial s + r \partial t),$$

ubi membrum postremum in genere refert differentiale functionis cuiuscunque binarum variabilium s et t , unde colligitur integrando formulam $e^{\frac{kz}{a}} V$ aequari functioni cuicunque binarum variabilium s et t , quam more jam recepto hoc modo repraesentemus: $\Gamma : (s, t)$; ergo loco s et t restitutis valoribus orietur iste valor:

$$V = e^{-\frac{kz}{a}} \overline{\Gamma : (y - \frac{bz}{a}, x - \frac{cz}{a})}.$$

Hic scilicet valor aequationi propositae convenit, quoties ejus forma vicaria factorem habuerit $k + a\alpha + b\beta + c\gamma + \text{etc.}$

§. 9. Quodsi forma vicaria praeterea aliud habeat factorem simplicem, qui sit $k' + a'\alpha + b'\beta + c'\gamma + \text{etc.}$

ex eo simili modo deducetur valor pro littera V, qui erit

$$V = e^{-\frac{k'z}{a'}} \Delta : \overline{(y - \frac{b'z}{a'}), (x - \frac{c'z}{a'})},$$

qui cum praecedente quomodounque conjungi poterit. Atque si forma vicaria in meros factores simplices, numero n, resolvi se patiatur, qui sint $k + a\alpha + b\beta + c\gamma + \text{etc.}$; $k' + a'\alpha + b'\beta + c'\gamma + \text{etc.}$; $k'' + a''\alpha + b''\beta + c''\gamma + \text{etc.}$; etc., tum adeo integrale completum quantitatis V assignare poterimus, quod erit:

$$V = e^{-\frac{kz}{a}} \Gamma : \overline{(y - \frac{bz}{a}), (x - \frac{cz}{a})} + e^{-\frac{k'z}{a'}} \Delta : \overline{(y - \frac{b'z}{a'}, x - \frac{c'z}{a'})} \\ + e^{-\frac{k''z}{a''}} \Sigma : \overline{(y - \frac{b''z}{a''}, x - \frac{c''z}{a''})} + \text{etc.}$$

ubi characteres Γ ; Δ ; Σ ; etc. denotant functiones quascunque arbitrarias quantitatum subnexarum.

§. 10. Verum eadem integralia, per functiones expressa, ex formula initio assumta $V = e^{\alpha z + \beta y + \gamma x}$ derivari possunt. Cum enim factor formae nostrae vicariae:

$k + a\alpha + b\beta + c\gamma + \text{etc.} = 0$ praebeat $\alpha = -\frac{k}{a} - \frac{b\beta}{a} - \frac{c\gamma}{a} - \text{etc.}$, exponens ipsius e erit $-\frac{kz}{a} + \beta(y - \frac{bz}{a}) + \gamma(x - \frac{cz}{a})$, qui, posito ut ante brevitatis gratia $y - \frac{bz}{a} = s$ et $x - \frac{cz}{a} = t$, erit $-\frac{kz}{a} + \beta s + \gamma t$, sicque habebitur:

$$V = e^{-\frac{kz}{a}} + \beta s + \gamma t = e^{-\frac{kz}{a}} \cdot e^{\beta s} \cdot e^{\gamma t},$$

ubi probe notandum est litteras β et γ omnes possibles valores recipere, ita ut $e^{\beta s}$ complectatur summam omnium

ejus valorum, qui ex littera β oriri possunt, atque adeo omnes isti valores per quantitates constantes quascunque multiplicati sunt intelligendi. Aggregatum igitur omnium horum infinitorum valorum per $\int e^{\beta s}$ designemus. Similique modo $\int e^{\gamma t}$ omnes valores possibles, qui ex variatione litterae γ nasci possunt, complectatur.

§. 11. Jam haud difficulter intelligitur, istam formam $\int e^{\beta s}$ omnes plane functiones ipsius s exhibere posse. Quod quo clarius appareat ponamus $s = lp$, fietque $e^{\beta s} = p^\beta$ et $\int e^{\beta s} = \int p^\beta$. Notum autem est, omnes functiones ipsius p resolvi posse in series, quarum termini procedant secundum potestates ipsius p , sicque formula $\int p^\beta$ complectitur omnes valores possibles ipsius p , ideoque etiam omnes functiones ipsius s , quas ergo hoc charactere $\Gamma : s$ representare licet. Simili modo, posito $t = lq$, patet $\int e^{\gamma t}$ aequivalere huic functioni: $\Delta : t$.

§. 12. Praeterea, quia singulas partes utriusque functionis in se multiplicare licet, manifestum est formulam $e^{\beta s + \gamma t} + 1$ non solum productum functionis ipsius s et functionis ipsius t indicare, sed etiam omnes plane functiones utcunque ex binis quantitatibus s et t formatas involvere, quam ergo expressionem hoc charactere: $\Gamma : s, t$ repraesentamus. Hinc igitur, cum sit $s = y - \frac{bz}{a}$ et

$t = x - \frac{cz}{a}$, erit, uti ante per integrationem collegimus:
 $V = e^{-\frac{kz}{a}} \Gamma : (y - \frac{bz}{a}), (x - \frac{cz}{a})$.

§. 13. Hoc autem modo per functiones integralia hujusmodi aequationum differentialium exprimere non licet, nisi quatenus earum forma vicaria factores simplices comprehendit. Nisi enim hoc eveniat, integralia aliter exhiberi nequeunt, nisi omnia integralia particularia, quae ex formula $e^{az + \beta y + \gamma x + \text{etc.}}$ oriuntur, in unam summam colligendo. Quod quo clarius appareat, consideremus istum casum specialem: $(\frac{\partial^2 V}{\partial z^2}) = (\frac{\partial^2 V}{\partial x \partial y})$, cuius forma vicaria est $\alpha\alpha = \beta\gamma$, quae certe in factores simplices nullo modo resolvī potest. Hinc autem fit $\alpha = \sqrt{\beta\gamma}$, ideoque $V = e^{z\sqrt{\beta\gamma} + \beta y + \gamma x}$, ubi binis litteris β et γ omnes possibles valores tribui sunt censendae, quas autem nullo modo sub quapiam functione definita complecti licet. Quo hoc clarius appareat ponamus $z = lp$, $y = lq$ et $x = lr$, ut fiat $V = p^{\sqrt{\beta\gamma}} q^\beta r^\gamma$. Quod si jam hic litteris α , β , γ , tantum valores integros tribuantur, prodibit talis aequatio:

$$V = \mathfrak{A} pqr + \mathfrak{B} p^{\sqrt{\beta\gamma}} q^\beta r^\gamma + \mathfrak{C} p^{\sqrt{\beta\gamma}} q^\beta r^\gamma + \text{etc.}$$

quos diversos terminos sub nulla certa functione complecti licet.

§. 14. Interim tamen, si aequatio vicaria resolutionem in duos factores, etsi non simplices, admittat, tum

integrale, aequationis propositae ad integrationem duarum aequationum inferioris gradus reducitur. Quodsi enim aequatio differentialis proposita ascendat ad gradum differentialium $m = \mu + \nu$, ejusque forma vicaria habeat duos factores, alterum gradus μ , alterum vero gradus ν , si ex his vicissim formentur aequationes differentiales, altera ad gradum μ , altera ad gradum ν assurget. Ponamus ergo integrationem prioris praebere $V = P$, posterioris vero $V = Q$, atque manifestum est, ipsius aequationis propositae integrale fore $AP + BQ$; atque adeo, si illa integralia fuerint completa, etiam hoc erit completum.

§. 15. Quae hactenus sunt tradita, proprie quidem ad functiones trium variabilium z, y, x , sunt accomodata: facile autem intelligitur, eadem pracepta pariter locum obtinere tam pro paucioribus, quam pro pluribus variabilibus.